

perina, Therebinthinata, *Bacc. Cynosbat. s. m. Dauci, Lap. Judaicus, sal succini &c.* quæ & in præservatione non minorem habent usum; sed qui de his plura desiderat, Præricos adeat, & inveniet cumulum plurimorum medicamentorum. Si in Articulis & Ossibus Tumores lapidescentes quasi, ut Tophi & Nodi deprehendantur, interne jam commendata non sine successu eadem exhibentur, sed nondum dissolvunt, nec ulla speranda ex voto emollitio, quanquam ab impositis mercurialibus non levis quandoque notetur effectus, & Barbette in *Prax. Chirurg. part. 3. lib. 5. cap. 3.* Emplastra etiam è Gummatibus, Antimonio, succis, non omisso tamen Mercurio, præparata, laudet. Exacta autem Curatio pro loci & circumstantiarum ratione haud obtrinebitur, nisi spontè excidant, ut in Podagricis quandoque notatur, aut per manus Chirurgicas si excindantur.

§. 26.

Sed postulabit adhuc Necessitas, ut unumquodque symptoma morbo conjunctum probe perspectum habeamus; non raro quippe Salia in partibus affectis prædominantur, hinc illa corrigenda per diluentia superius commendata, & dissolventia, ubi Antiscorbutica omnem ferè Operam facient, Si verò Salia acida magis sint, præcipitantia, & absorbentia, ex gr. *Ocul. Canc. alcoholis. C. C. s. igne, C. C. usum, Mater perlarum, Limatura Chalybis crud. alcoholis.* & alia, Salia præterea Volatilia oleosa, item *Essentia Castorei cum sp. salis Ammoniaci* parata, (quæ magni quoque usus in affectibus nervorum est,) myrrhata Opiatis maritata, camphorata &c. conducunt.

§. 27.

Quoad Externa, Balnea, fontes medicati & Thermæ, tum naturales, tum artificiales (de quibus Excell. Major peculiarem conscripsit Dissertationem,) ægrotis haud dissuadenda, siquidem ratione virtutis resolventis, non tamen Medicamentorum neglecto usu, plurimum valent. Affectus autem cutanei per Unguenta, linimenta & emplastra, in quibus gummata resolventia basin habent, tolluntur, ita, ut in Callis, Tumoribus Scirrhosis & Caseosis non sint contemnenda; in Abscessibus & Ulceribus præter Consilia Medica, si Chirurgi advocentur, discutientia, emollientia & suppurantia negotium præstant suum,

§. 27.